

UMK cipta sejarah tersendiri

» **Lahir 38 graduan sulung Fakulti Kedoktoran Veterinar**

Oleh Khairul Anuar Abdul Samad dan Nor Amalina Alias
krull@bh.com.my

■ Kota Bharu

Konvokesyen keempat Universiti Malaysia Kelantan (UMK), semalam, mencipta sejarahnya tersendiri apabila melahirkan 38 graduan sulung dari Fakulti Kedoktoran Veterinar.

Naib Canselor UMK, Datuk Dr Raduan Che Rose, berkata lebih membanggakan apabila graduan

berkenaan sudah diterima pen-daftarannya oleh Majlis Veterinar Malaysia, sekali gus melayakkkan mereka bergelar Doktor Veterinar.

“Daripada 38 graduan berke-naan, 36 daripadanya berjaya men-catatkan prestasi akademik yang cemerlang dengan Purata Nilai Gred (CGPA) melebihi 3.0, satu kejayaan yang boleh dibanggakan untuk sebuah universiti yang baru berusia tujuh tahun.

17 graduan MBA

“Untuk julung kalinya juga, UMK juga berjaya melahirkan 17 graduan bagi Program Sarjana Pentadbiran Perniagaan (MBA) tahun ini,” kata-nya ketika berucap dalam Majlis Konvokesyen UMK Keempat, di sini, semalam, yang disempurnakan Pro Canselor UMK, Dr Tengku Muham-mad Faiz Petra.

Pada majlis konvokesyen berke-naan, UMK turut menyampaikan Ijazah Kehormat kepada tiga tokoh



Sebahagian daripada 575 graduan UMK gembira meraikan kejayaan mereka selepas Majlis Istiadat Konvokesyen ke-4 di Kota Bharu.

[FOTO SYAMSI SUHAIMI / BH]

yang banyak memberi sumbangan penting dalam pembangunan negara.

Mereka ialah Pengurus Eksekutif Nadicorp Holdings Sdn Bhd (Nadi-Corp), Tan Sri Dr Mohd Nadzmi Mohd Salleh, yang menerima Ijazah Kehormat Doktor Falsafah (Keusahawanan); bekas Pengarah Urusan dan Ketua Pegawai Eksekutif Penerbangan Malaysia (MAS), Tan Sri Abdul Aziz Abdul Rahman (Pengurusan) serta bekas Naib

Canselor Universiti Putra Malaysia (UPM), Prof Emeritus Tan Sri Dr Syed Jalaludin Syed Salim (Perubahan Veterinar).

Pada majlis konvokesyen tahun ini, seramai 575 graduan menerima ijazah masing-masing, memba-bitkan 35 penerima Ijazah Sarjana dan Kedoktoran manakala 540 orang menerima Ijazah Sarjana Muda.

Raduan berkata, walaupun sebuah universiti yang baharu,

UMK sudah mencipta nama dari segi kebolehpasaran graduan apa-bila lulusan universiti itu mendapat pekerjaan, sama ada di sektor awam dan swasta atau bekerja sendiri.

“Satu kajian yang dilakukan UMK, sehingga September lalu, mendapat 81.4 peratus lulusan UMK tahun lalu sudah mendapat pekerjaan dengan 71.6 peratus di sektor awam dan swasta, manaka-la 9.8 peratus menjalankan perniagaan sendiri,” katanya.